

第一八一冊

方輿彙編

職方典

雲南土司部

貴州總部

貴陽府部

思州府部

思南府部

鎮遠府部

(卷)

一五八—一五〇

一五二—一五三

一五三—一五六

一五七

一五六—一五九

一五〇—一五二

古今圖書集成

中華書局影印

欽定古今圖書集成方輿彙編職方典

第一千五百十八卷目錄

雲南土司部彙考四

雲南土司車里考

雲南土司木邦考

雲南土司孟氏考

雲南土司茶山長官司考

雲南土司鈕兀考

雲南土司威遠州考

雲南土司北勝州考

雲南土司干崖考

雲南土司耿馬宣撫司考

雲南土司白人考

雲南土司白羅羅考

雲南土司黑羅羅考

雲南土司撒彌羅羅考

雲南土司妙羅羅考

雲南土司阿者羅羅考

雲南土司乾羅羅考

雲南土司魯屋羅羅考

雲南土司撒完羅羅考

雲南土司羅發考

雲南土司摩察考

雲南土司雙彝考

職方典第一千五百十八卷

雲南土司部彙考四

車里考

四譯館考

車里軍民宣慰使司

車里軍民宣慰使司蠻名徹里又有倭泥貉獵

蒲刺黑角諸蠻自古不通中國元世祖命將兀

良吉解伐交趾經其地悉降之至元中置徹里

路軍民總管府領六甸後又置耿東路耿當孟

弄二州明洪武十七年酋長刁光歸附改置車

里軍民府尋改宣慰使司在瀾滄江之南接南

海交趾人頗淳厚額上刺一旗爲號作樂以手

拍羊皮長鼓又間以銅鑼銅鈸拍板鄉村宴飲

則擊大鼓吹蘆笙舞牌爲樂境內有猛永山杉

木江土產鎗石銅木沉香

會典

車里

雲南徵外土官進到象馬金銀器皿寶石等件

例不給價其賜例各不同車里給賜宣慰使錦

二披紵絲紗羅各四匹委紵絲羅各三匹差來

頭目每人紵絲紗羅各四匹折紗絹二匹布一

匹通事每人紵段一表裏折紗絹一匹俱與羅

衣一套象奴從人每人折紗綿布一匹絹衣一

套俱與靴鞋各一雙

木邦考

圖書編

百夷館木邦軍民宣慰使司

百夷在雲南之西南自古不通中國元世祖時

命將伐交趾經其所部盡降之舊名孟都又名

孟邦元至元二十六年立木邦路軍民總管府

領三甸至明洪武十五年改木邦府後改木邦

軍民宣慰使司命西平侯沐英遣使往諭之始

從化來王其所部猛密有寶井爲木邦利府陶

孟思至領之陶孟者猶華言頭目也木邦宣慰

司罕撲以其女襲罕弄妻思罕罕撲死其孫罕

竈立嗜酒好殺襲罕弄遂以猛密叛木邦成化

初南寧伯毛勝守雲南猛密寶石許得自貢不

關木邦太監錢能尤利其珍賂襲罕弄遂怙勢

無忌略地自廣十六年太監王舉索猛密寶石

不得因疏猛密木邦罪請征之襲罕弄大懼會

有江西人周興五者通猛密因爲襲罕弄計遣

人資金賁賂政府求釋罪且請授官政府許之

遂授意都御史陳宗往撫之宗至猛密襲罕弄

恃有內援益踞傲不出迺宗且要宗過南牙山

就見坐講宗不得已從之襲罕弄乃曰我猛密

之千木邦猶大象之孕小象也今小象長成軀

倍大象矣寧能復入大象腹中乎宗曰然遂以

所侵木邦地畧之爲設安撫司以子孫世其

職木邦人詣宗訴辨宗輒答止之狀聞政府大

喜遂以宗撫雲南尋遷刑部尚書襲罕弄既立

平遣大陶孟倫索提兵衛罕空聲言必滅猛密
會弘治改元副使林俊稍割猛密地還木邦
罕弄懼不敢逆命遂與木邦並立爲世仇矣其
種類最繁故以百稱諸部落有木邦有南甸有
千崖有隴川有孟義有孟密有孟連有孟羅有
孟榜有孟定有孟良有芒市有景東有鶴慶有
大候有威遠有鎮康有甸灣有者樂甸其民多
百夷不通漢字俱屬本館譯審

會典

木邦

給賜宣慰使錦二段紵絲紗羅各三疋妻紵絲
羅各二疋差來陶孟每人紵絲紗羅各三疋折
鈔絹二疋布一疋招剛每人紵絲紗羅各二疋
折鈔絹二疋通事每人綵段一表裏折鈔絹一
疋俱與羅衣一套象奴從人每人折鈔綿布一
疋絹衣一套俱與靴襪各一雙

震澤紀聞

諸蠻

初安南之北雲南之南爲八百車里老撾木邦
諸蠻有孟密者舊屬木邦木邦有女名囊罕弄
嫁之孟密其父愛之盡以寶井賚焉孟密以是
日富強與木邦相攻兩家俱訟於朝孟密以密
貨賂二萬自兵部諸津要多受其賄者大學士
萬安草勅遣都御史程宗往按其事有可分分
之語宗覆奏如安指於是孟密得立爲安撫司
宗盡以所侵木邦地畀之而木邦勢凌弱反出
其下雲南之患由此起至今爲梗云

通志

木邦軍民宣慰司

木邦軍民宣慰使司舊名孟都一名孟邦相傳
蜀漢時木鹿王苗裔元至元二十六年立木邦
軍民總管府領三甸明內附改木邦府後改木
邦軍民宣慰使司徵差撥銀一千四百兩未樂
間宣慰罕實從征緬正統中罕蓋從征麓川俱
有功益其地在六慰中分土最廣萬曆十年緬
誘執罕拔死襲取木邦拔子進忠奔罕虔緬追
進忠至姚關焚順寧而去十一年官兵破緬于
姚關立進忠子欽欽死其叔罕穰約還還攻緬
緬恨之于萬曆二十三年以三十萬衆圍其城
請救於雲南援兵不至城陷以猛密思禮領之
思禮憑恃瓦彝差其目海慶據控尾求猛彝寨
又與召依坎換象千戈相尋焉其東爲孟定南
爲猛密西爲緬甸北爲芒市自姚關渡噓哩江
十二程至其地彝類數種男子皆衣白文身髡
髮摘髻鬚修眉睫婦人則白衣桶裙耳帶金圈
手帶象鐲其地產響錫胡椒

孟氏考

圖書編

孟養

孟養宣慰使司地名香柏城元至元二十六年
置雲遠路軍民總管府洪武十五年改爲雲遠
府十七年改孟養軍民宣慰使司其民獠野小
有隙即攜兵相殺正統初土酋思仁叛據孟養
地官兵追奔至緬甸購捕斬之語在緬甸考中
成化中思仁子祿以祖母璋環及諸珍物賂鎮
守太監錢能召見飲食之思祿稍稱縱橫弘
治初元給土酋金牌信符偶忘孟養久廢止按
舊籍頒給思祿遂謂天朝復其官職以符牌號
召諸夷略取旁邑自廣會猛密叛木邦參政毛
科檄思祿兵攻猛密思祿以羸兵數千應科爲
猛密所敗思祿大怒遂越界過金沙江攻猛密
取蠻莫等十七寨科又勸巡撫金獻民請兵大
舉征思祿上不許會思祿亦遣人奏言爲鄰惡
誑誤願入蠻莫十七寨贖罪得比米魯仍乞以
一子爲宣慰如故朝議遲疑不決思祿遂據孟
養自立

會典

孟養

弘治初給賜孟養思祿及妻與車里同差來頭
目陶孟每人紵絲紗羅各四疋紗二疋折鈔絹二
疋綿布二疋招剛每人紵絲羅三疋紗二疋折
鈔絹一疋綿布一疋招八每人紵絲紗羅各一
疋折鈔絹一疋通事每人紵絲一表裏折鈔絹

一疋各與紵絲衣一套象奴每人折鈔綿布一疋絹衣一套俱與靴襪各一雙每進馬一匹賜絹五疋

通志

孟養

孟養軍民宣慰使司俗名邁西有香柏城與蠻莫同襟金沙江孟養居其上流南至底馬撒疆連西洋北極吐蕃西通天竺東南鄰于緬山曰鬼窟號稱險要彝人據爲硬寨小有瑕釁則治兵相攻其土下濕夜寒濱江爲竹樓以居一日數浴其通中華始于元至元二十六年置雲遠路軍民總管府明洪武十五年改爲雲遠府十七年改孟養軍民宣慰使司歲輸銀七百五十兩爲差發正統間宣慰才賓玉勢弱思任敗之於麓川奔末昌死後爲思洪所據自上狀願當差發靖遠伯王驥許之磐石金沙江上曰石爛江枯方許渡雖冒授金牌終無印信凡通文書第稱金沙江奴婢而已萬曆八年緬酋宣慰思簡幽死據其地舍目奔永昌十二年思義來歸十三年思威敗緬于密堵殺緬目多曩長十七年思明子思遠貢象方物賞以金幣授宣慰十八年緬報密堵之役復攻孟養遠率其子昏奔盡西緬以曩兌往而據之其後思轟送款于明與蠻莫思正結爲唇齒共據長江以抗緬三十年緬追思正轟率兵象倍道馳救之至則正已殺矣三十二年緬復襲邁西轟走死緬以頭目思華據之及華死妻怕氏領其地緬中他目更

番戍守連年發其兵從征數強悍不可磨云轟之遺目曰放思祖有千餘人不敢歸安插於干崖

會典

孟密

給賜女土官及其子安撫俱給紵絲紗羅各三疋安撫妻紵絲羅各二疋差來頭目陶孟招剛通事象奴從人賞例與木邦同

通志

孟密宣撫司

孟密宣撫司有磚城無戍樓產花果瓜蔬與中國同南牙山時之摩勒金沙二水環焉山高田少米穀騰貴又多地羊鬼爲行人祟北距騰衝一千一百里南通緬一千一百里一由木邦錫波入一由猛卯至猛廣入一由邦抗舊祖渡莫勒江過南牙而入一由蠻莫入明末樂間木邦宣慰罕寶以征八百緬甸功授以孟密十三處成化間彝目思歪叛木邦占奪其地都御史程宗奏設孟密宣撫司授歪以安撫嘉靖初思奔思淵爭立緬人殺奔立淵淵得緬遂以地附焉萬曆十二年淵率思化思恨兩測齋僞印改名思忠來歸遂陞爲宣撫忠死十六年緬攻孟密忠母罕烘弱不能支率其孫思禮思仁奔猛廣而孟密失十八年緬復攻猛廣罕烘思禮奔隴川思仁丙測奔工回而猛廣又失二十年仁以象馬入隴川爲宣撫多思順所拒忿歸于緬緬以思仁食其地

會典

孟達

明初給賜土官紵絲紗三疋羅二疋絹四疋妻紵絲羅各二疋差來頭目舍人每人綵段二表裏羅衣一套通事鈔二十錠絹衣一套從人每人鈔十五錠絹衣一套俱與靴襪各一雙

通志

孟達長官司

本司由姚關東南行十九程至其地又七程至孟良其東爲車里西爲木邦蠻名哈瓦標悍好劫古不通中國明正統間平麓川始來歸萬曆間其酋長嫡嗣曰刁派真有叔刁派漢聚于車里因以車里殺派真而奪其官十二年率車里來貢十九年又勸緬來貢後派漢死弟派金嗣天啓二年三月阿瓦破之會洞吾伐阿瓦阿瓦乃退其差發額銀二百兩

茶山長官司考

通志

茶山長官司

司在騰越州西北去州五日程距高黎貢山極高而寒五穀不蒔其人強悍喜鬪土目姓早舊屬孟養明永樂三年孟養糾上江刁孟永叛彝目早章憤其不忠遂不附五年請命賜印授早章爲茶山長官司十五年章舉頭目早堯爲副至早玉授正長官其北與麗江野人接壤明末

副長官早大宸所部爲野人殺掠無孑遺奔入內地阿幸惟正長官早鄧所部尚存其南至南甸西至里麻

鈕兀考

明一統志

鈕兀長官司

鈕兀蠻名也自古不通中國宣德七年始歸附

置鈕兀長官司

通志

鈕兀

明宣德七年始歸附其地東至元江軍民府界南至車里宣慰司界西至威遠州界北至臨安府思陀甸長官司界自司北十六程至雲南省城民皆倭泥類蒲蠻男子縮髻于頂白布纏頭婦人白布盤頭露頂以花布爲套頭見人無拜禮額微差發銀四十兩

威遠州考

四譯館考

威遠州

州本唐南詔銀生府地舊爲濮落維蠻所居元至元中始置爲州明因之編戶四里其俗男女勇捷走險如飛交易無權量但以小篋羅計多寡而量之境內有蒙樂山有南堆谷寶二江土產鹽莫蒙寨有河水汲而澆於炭火上煉之則成鹽民皆取食之

通志

直隸威遠州

唐南詔銀生府地濮落維蠻所居段氏時爲樊彝所有明初刁氏爲麓川土官洪武三十二年刁佩罕調征木邦陣亡當事以其子刁算黨承襲三十四年開設威遠州授算黨知州十四年傳至刁鐸死子漢臣襲

皇清平滇漢臣遣使投誠題授知州世職子國棟襲

其地東八十里至猛列村界南八十里至車里所轄三圈江界西百里至猛猛達米江界北六十里至景東府蠻折哨界又東至元江及新化州南至孟連西至孟定北至鎮沅自州東北十九日至雲南省男女勇健走險如飛境內莫蒙寨有河汲其水於炭火上煉之即成細鹽交易無秤斗以篋篋計多寡量之又有南堆江谷寶江自遮遇甸流至州境下流入於瀾滄其鎮山曰蒙樂山舊額微差發銀四百兩

北勝州考

明一統志

北勝州

唐貞元中南詔異牟尋始開其地名北方賧徙瀾河白蠻及羅落麼些諸蠻以寔其地號成偈賧又改名善巨郡宋時大理段氏以高大惠治此郡改爲成紀鎮元憲宗時內附至元中置施州尋改北勝州後陞爲府屬麗江路軍民宣撫司明洪武十五年改爲州屬鶴慶軍民府後屬瀾滄衛正統間改直隸雲南布政使司編戶一十五里

千崖考

明一統志

千崖宣撫司

其地舊名千賴賧曰渠瀾賧白夷居之元中統初內附至元中置鎮西路軍民總管府領二甸明洪武十五年改爲鎮西路府後爲千崖長官司正統間陞宣撫司

耿馬宣撫司考

通志

直隸耿馬宣撫司

與孟定府同川隔噠哩江而居孟定居其南耿馬居其北舊無宣撫明嘉靖間木邦兼孟定以罕慶食其地慶子們罕弱不振族舍罕度四子皆悍謀配四州遂附緬奪其地萬曆十一年從緬克木邦逐罕進忠破施甸十一月又勾緬犯姚關官兵敗之于攀枝花十二年正月官兵擒虔父子斬之奏設宣撫司以們罕爲宣撫們罕死弟們罕金護印屢遣入貢後木邦思禮屢侵潯甸鎮康特罕金爲路援天啓二年緬攻孟乃孟良罕金欲殺之緬移兵將攻金不得已以銀碗大馬爲說而罕度第四子罕正居猛猛特孟建爲婿時與罕金相搆

皇清平滇罕悶祛投誠題授宣撫世職其地東至威遠南至孟連西至木邦北至鎮康自司治東二十日至雲南省有三尖山昔罕度之黨罕老聚衆負固于此官兵罕之又有馬養山風俗與孟定同

白人考

通志

白人

古白國之支流也舊訛變爲白遂稱爲一類其實不相通雲南諸郡皆有之習俗與華人不甚遠

白羅羅考

通志

白羅羅

男衣兩截衣裹頭跣足婦人耳帶銅環被衣如袈裟以革帶繫腰喪無棺槨以大麻裹屍昇于竹椅前導七人環甲冑執鎗弩四方射名禁惡止殺焚之于山既焚鳴金執旗招其魂以竹簍裏絮少許置小篋籠懸生者牀間祭以丑月念三日插山榛三百枝于門列篋籠地上割燒豚每籠各獻少許侑以酒食誦彝經羅拜爲敬婚姻惟其種類以牛馬爲聘及期聚衆訂于女家奪其女而歸性虛情淫濁信鬼畜蠱以手量裙邊投麥于水驗其浮沉以當占卜在雲南激江臨安永昌者漸習王化同于編氓其在蒙自定邊尚稱頑梗在曲靖者于彝爲賤種在江川大理姚安皆稱撒馬都大抵寡弱易治

黑羅羅考

通志

黑羅羅

男子挽髮以布帶束之耳帶圈墜一隻披氍佩刀時刻不釋婦人頭蒙方尺青布以紅綠珠雜海貝琿瑯爲飾下著桶裙手帶象牙圈跣足在彝爲貴種凡土官營長皆其類也土官服雖華不脫彝習土官婦纏頭絲綸耳帶金銀大圈服兩截雜色錦綺以青緞爲套頭衣曳地尺許背披黑羊皮飾以金銀鈴索各營長婦皆細衣短氍青布套頭其在曲靖者居深山雖高岡硯隴亦刀耕之種甜苦二畝自贍善畜馬牧養蓄息器血用竹筐木盤交易稱貨無書契刻木折之各藏其半市以丑戌日葬貴者裹以草比賤者以羊皮焚諸野而棄其灰在激江者能爲乳酪雜樵蘇鬻于市腥穢侏僂若鹿豕然在安寧祿豐多負鹽于途在碼嘉者以草爲衣加于氍毹大都性皆驚悍好攻掠而武定舊甸尤爲兇頑鶴慶四十八村又號海西子亦其種多暴鐵索箐賓川州赤石崖燈鄉古底舊稱淵藪自萬曆初芟蕩以來至今寧帖

撒彌羅羅考

通志

撒彌羅羅

男挽髮如髮長衣短襦婦短衫短裳滇池上諸州邑皆有之拙于治生不敢為盜賊居山者耕瘠土販薪于市住水者舉家捕魚僅能自給

妙羅羅考

通志

妙羅羅

皆土蠻官舍之裔或稱火頭或稱管長或稱官娜與黑白諸種迥異耳圍環常服用梭羅布婦女衣背背花前不掩脛後長曳地衣邊彎曲如旗尾無襟帶上作井口自頭籠罩而下桶裙細摺在阿迷州者為諸種所敬憚其喪則闔寨釀金為助其在蒙化麗江鶴慶騰越楚雄姚安亦佐新興北勝王弄山者不著其種類止曰羅羅所居茅舍中堂作火爐父子婦姑圍爐而臥懼箠撻而不畏死祭以羊豕捶死不殺姚安者性狡悍好為盜賊新興者居昌明里力田為生騰越者專資射獵北勝又有號羅羅者與四川建昌諸猺同類純服氍毹男女皆跣足每踏歌為樂則著皮屨男吹笙笙婦衣緋衣跳舞而歌各有其節在順州者又稱猺落蠻男謂帽髮積衣婦三尖冠以樵採耕藝為事在新化州者又

稱白脚羅羅以白布束其脛故名

阿者羅羅考

通志

阿者羅羅

衣服大略與黑羅同婚喪如白羅但耳環獨大在東偏則江川通海諸邑有之西則賓川有之通海者婚以牛為聘婿親負女而歸耕山捕獵性好遷徙

乾羅羅考

通志

乾羅羅

婚嫁尚侈諸種人所不及喪以牛皮裹屍束錦而衣之以薪每食插筯飯中仰天而祝以為報本好男喜鬪殺人償之以財有讎怨雖父子兄弟推刃不顧多不通華言官府文書必書蠻字于後乃知通信食貨貴鹽蒜

魯屋羅羅考

通志

魯屋羅羅

服飾類黑羅別為一種持矛盾性尤犛悍好馳馬縱獵獨臨安魯郭村有之

撒完羅羅考

通志

撒完羅羅

居蒙自縣明月諸村在黑白二種之外勤于耕作捕蟲豸及鼠而食

羅發考

通志

羅發

本武定種古以名郡又稱羅武元時羅武蠻羅僮百歲冠弱子孫以氍毹送之深簪後生尾長三寸相傳三百歲今俗又稱羅午楚雄姚安永寧羅大皆有之男子髻束高頂戴笠披氍毹衣火草布其草得于山中緝而織之氍毹而堅緻或市之省城為囊裳以盛米麥婦女辨髮兩絡垂

肩上雖以瑣瑣瓔珞方領黑衣長裾跣足居山林高阜牧養爲業有屋無牀榻以松葉藉地而臥婚姻喜慶之事結一松棚爲宴葬用火化腰刀長鎗行住不釋嗜酒酣鬪殺猪難治

摩察考

通志

摩察

黑羅之別類在大理蒙化者執木弓藥矢遇鳥獸射無不獲所逢必却遇強必拒在武定者一曰木察習稍柔善

焚彝考

通志

焚彝

種在黑水之外稱百彝蓋聲相近而訛也性耐暑熱居多卑濕棘下故從棘從人滇之西南曠遠多濕焚彝宅之種類數十風俗稍別名號亦殊其俗稱宜慰曰昭華言主人也其官屬有明孟昭錄昭網遞相臣屬叨孟總統政事兼領軍民多者數十萬少者則數萬昭錄亦萬餘人實

罰皆任其意昭網千人遞減至十人又有昭錄調遣統數千人以行其近侍名立者亦領數百戶皆聽其使食其賦取用無制節上下僭奢微名薄職輒繫鍍花金銀寶帶官民皆冠簪葉纍金玉珠寶爲高頂上懸小金鈴遍插翠花翎毛後垂紅纓貴者衣紵絲綾錦以金花金鈿飾之以坐象爲貴十數銀鏡爲絡銀鈴銀釘爲綠象鞍三面以鐵爲欄藉重袒懸銅鈴較後象奴一人銅帽花裳執長鉤制象爲疾徐之節招搖于道相見合掌爲敬敬于己者則跪拜有所諭則叩頭受之雖貴爲叨孟見宣慰莫敢仰視凡有問對則膝行而前三步一拜退亦如之賤見貴少見長皆然待貴人之側或過其前必躬身而趨筵宴則貴人上坐僚屬以大列坐于下有客十人則令十人舉杯齊行十客之酒酒初行樂作一人大呼一聲衆人和之如此者三既就坐先進飯次具醪餽有差食不用筯每客一卒跪坐側持水瓶盥悅凡物必祭而後食樂有三曰焚彝樂緬樂車里樂焚彝樂有笙笛胡琴響琰之類歌中國之曲緬樂者緬人所作排簫琵琶之類作則衆皆拍手而和車里樂者車里人所作以羊皮爲三五長鼓以手拍之間以銅鏡鼓拍板與中國僧道之樂無異鄉村宴飲則擊大鼓吹蘆笙舞牌爲樂無中國文字小事則刻竹木爲契如期不爽大事書緬字爲檄無文案城池因高山爲若無倉庫租賦每秋冬遣親信往各甸計房屋徵金銀謂之取差發每屋一極輪

銀一兩或二三兩其法殺人與奸者皆死竊盜一家皆死爲寇一村皆死道不拾遺軍民無定籍每三五人充軍一人正軍謂之昔刺猶言壯士昔刺持兵器餘負荷供饌每二十萬戰者不滿十萬師行軍在前鋒長在中餉饋在後進退不一而號令不紊倚象爲聲勢每戰以繩自縛象上悍而無謀鋸桑爲弩革爲胃銅鐵雜革爲函勝則驕情爭功負則逃竄山谷驛路無郵傳一里半里許構一小草樓五人守之千里有報聞在旦夕公廨與民居無異雖宣慰亦止竹樓數十間上覆以茅用陶瓦者輒有火災民間器皿多以陶冷孟良等處則有漆器甚精其長用金銀瑣瑣琉璃等器其下亦以金銀爲之凡部長出象馬兵戈及木欄器皿僕妾財寶之類皆從動輒數百人隨處宴樂小民苦之男貴女賤雖小民視其妻如奴僕耕織貿易徭役皆婦人任之非疾病雖老不得息凡妻生子貴者以水浴于家賤者浴于河三日後以子授其夫耕織自若頭目之妻百數婢亦數百少者數十庶民亦有數十妻無妬忌之嫌舊俗不重處女及笄始禁足今則此俗漸革矣孟定南甸男長衫寬襦無裾隴川猛密孟養俱短衫小袖有裾官民皆髡首跣足有不髡則會長殺之不髡足衆皆嗤之曰婦人也婦人綰獨髻腦後以白布裹之窄袖白布衫早布桶裙貴者錦繡跣足凡子弟有職名則受父母跪拜人死用婦人祝于屍前親鄰相聚少年百數人飲酒作樂歌舞達旦謂

之娛屍婦人羣聚確砵爲戲數日而後葬
則親者一人持火及刀前導至葬所以板數片
瘞之其人素所用器皿甲冑戈盾皆壞之懸于
墓側是後絕無祭掃之禮

其在祿豐羅次元謀者男戴黑布帽窄袖白衫
婦著桶裙好樓居釜甑俱以陶瓦俗尚奢侈孟
春作土主會稱貸以炫其飾又有鞦韆會男女
雜坐信鬼好訟見人多所忌諱掘鼠及蝦蟆以
敬貧客葬有棺而少哀戚

其在越州者號白脚焚葬男婦俱短衣長裳茜
齒文身戴笠跣足

其在江川路南者構竹樓臨水而居樓下畜牛
馬婦人耳帶大環婚用牛祭用羊知蠶桑勤于
耕織性柔畏法見人退讓

其在臨安者男青白袍纏頭著草履衣有襞積
婦人白袍束髮纏疊如仰螺好鬼喜浴極寒猶
然山居構草樓家人狎處稍以帷帳間其臥具
喪衣緋架木置屍其上弔者各散紅布綴一方
名拜禱誦葬經三日以簞裹而昇之山妻不更
嫁名曰鬼妻其食糯米蜻蜒

在蒙自者插雞尾笠端出則捕獵居則紡績
在阿迷者爲滇莊佃民習同蒲人新化納樓溪
處大略皆同

在十八寨者性儉好殺畜蠱餌毒捕魚食鼠焚
骨而葬又有髡者曰光頭白葬蓋習車里之俗
額上點刺月牙所謂雕題也見官府盤膝坐舉
手加額爲敬男女先通而後娶葬不復顧或夢

亡者昧爽至塚上設一石祝之曰勿再返也
其在順寧者冠青而銳其頂耳環踏屨好衣素
婚聘用牛貧不能具者備女家三年喪有棺殮
封葬以石爲人佃作性柔懦

其在劍川者言語侏儻所居瘴癘棺如馬槽以
板爲之惟農業陶冶是務懼訟信鬼
其在騰越者火炙肉食不求其熟或取蜂槽而
食之習緬字器用蠱磁

其在鎮南者男子短衣婦桶裙跣足婚禮葬歌
侑食人死令親者捉刀屍傍晝夜守之親朋以
酒奠捉刀人呼死者之名灌諸口中如是三日
而葬每村置樹以爲神六月念四日集衆燃炬
譚而賽神所居在山巔

其在姚安者亦濱水好浴腰繫竹籠捕魚婚用
牛羊至女家以水潑女足爲定簪葉爲尖頂帽
擅土布羊毛之利

其在元江者能爲鬼魅以一幣繫衣後即變形
爲象馬猪羊貓犬立通衢或直衝行人稍畏避
之卽爲所魅入腹中食其五臟易之以土昔有
客言會臥病醫巫無效禱于大士夢一女子于
其脅下出二小兒漸成老人女子叱之乃去病
遂已知者遇其所變物以一手捉之一手挺拳
痛捶之必復爲人奪其幣而瘞之哀求以家資
之半丐脫食中多置毒藥中之必不治估客娶
葬女者欲出必問還期或一二年或三四年女
卽以毒餌之如期至更以藥解救亦無他若不
爾必毒發而死所許還期卽死日也與外人交

易償約失信及私窺其妻女者必毒之信實樸
厚者累出入亦無傷其地高原曠野土產檳榔
種蒔如中國農桑絕時殺犬灑血汗之

欽定古今圖書集成方輿彙編職方典

第一千五百十九卷目錄

雲南土司部彙考五

雲南土司僕喇考

雲南土司普特考

雲南土司窩泥考

雲南土司姆難考

雲南土司麼些考

雲南土司力些考

雲南土司土人考

雲南土司土僚考

雲南土司怒人考

雲南土司扯蘇考

雲南土司僕人考

雲南土司沙人考

雲南土司蒲人考

雲南土司古宗考

雲南土司西番考

雲南土司我昌考

雲南土司繚人考

雲南土司哈喇考

雲南土司結些考

雲南土司遮些考

雲南土司羯些考

雲南土司地羊鬼考

雲南土司野人考

雲南諸蠻貢道考

雲南土司部總論

職方典第一千五百十九卷

雲南土司部彙考五

僕喇考

通志

僕喇

婚喪與僕喇同而語言不通蓬首跣足衣不浣濯臥以牛皮覆用羊革氍毹衫在寧州者強悍專務擄掠在石屏州者良善畏法為編氓在王弄山者一名馬喇首插雞羽男子服紅經白緯衣婦女衣白壘山種木棉為業

普特考

通志

普特

以漁為業性耐寒舟不盈丈而炊爨牲畜資生之具咸備又有涸水捕魚者丹鬚蓬髮竟沒水中與波俱起口嚙手提皆巨魚今滇池旁碧雞山下有此種類

窩泥考

通志

窩泥

或曰幹泥男環耳跣足婦衣花布衫以紅白綿繩辮髮數絡海貝雜珠盤旋為螺髻穿青黃珠垂臂為絡裳無髮積紅黑紗縷間雜飾其左右既適人則以藤束膝下為識娶婦數年無子則出之喪無棺弔者擊鑼鼓搖鈴頭插雞尾跳舞名曰洗鬼忽泣忽飲三日採松為架焚而葬其骨祭用牛羊揮扇環歌拊掌踏足以鉦鼓蘆笙為樂食無筋以手搏飯動生畜用積貝一百二十索為一窖死則囑其子我生平藏貝若干矣汝取某處窖餘蓄為來生用臨安郡屬縣及左能寨思陀溪處落恐諸長官司景東越州皆有之磅嘉縣又曰和泥男子剪髮齊眉衣不掩脛飲酒以一人吹蘆笙為首男女連手周旋跳舞為樂死以雌雄雞各一殉葬阿迷州稱阿泥都川州稱俄泥

拇鷄考

通志

拇鷄

蓬首椎髻標以雞羽形貌醜惡婦女尤甚挽髻如角向前衣文繡短不過腹項垂纓絡飾其臂遷徙無常居多竹屋耕山食蔬暇則射獵捕食猿狙佩利刀負強弩毒矢伺隙剽竊性狠惡父子兄弟怒則相殺轄於寧州及王弄山

麼些考

通志

麼些

唐書稱麼些蠻與施順二蠻皆烏蠻種居鐵橋大婆小婆三探覽昆池等川今麗江之彝總稱麼些而北勝順州祿豐亦皆有其類俗不賴澤自古已然男子以繩纏頭耳戴綠珠婦人布冠好畜牛羊產麝香勇厲善騎射挾短刀少不如意鳴鉦鼓相讎殺婦女投場和解乃罷俗儉約飲食疏薄歲暮殺牛羊相邀請一客不至則爲深恥正月五日登山祭天人死以竹簣昇至山下無貴賤皆焚之

力些考

通志

力些

惟雲龍州有之男囚首跣足衣麻布衣披氍衫以毳爲帶束其腰婦女裹白麻布善用弩發無虛矢每令其婦負小木盾徑三四寸者前行自後發弩中其盾而婦無傷以此制伏西蕃

土人考

通志

土人

在武定府境男衣絮襖腰束皮索仇則緊縛之繫刀弩婦披羊皮氍毹姻親以牛羊刀甲爲聘新婦披髮見姑舅性剛劣不能華言畏官府無訟有爭者告天煮沸湯投物以手捉之曲則糜爛直者無恙耕田弋山寅午戌日入城交易

土僚考

通志

土僚

其屬本在蜀黔西粵之交流入滇亦處處有之而石屏嶺義路南較多男子首裹青氍服白麻衣領上綴紅布一方婦人冠紅巾衣花繡性悍戾嗜殺者樵蘇自給路南者爲人佃種屋廬與樊人同新興者居西山之麓服食婚喪習同白氍以孟冬朔日爲歲首

怒人考

通志

怒人

男子髮用繩束高七八寸婦人結布於髮其俗大抵剛狠好殺餘與麼些同惟麗江有之

扯蘇考

通志

扯蘇

在楚雄郭雪山居於山巔無間瓦木片覆屋耕山種收麥皮履布衣器以木擺錫爲飾新化州亦有之又一種曰山蘇

僂人考

通志

僂人

其種在廣南習俗大略與僂彝同其長爲僂智高裔部彝因號爲僂樓居無椅凳席地而坐脫屣梯下而後登甘大嗜鼠婦人衣短衣長裙男子首裹青花氍衣麕布如絛長技在銃蓋得之交趾者刀盾鎗甲寢處不離日事戰鬪王弄山教化三部亦有之蓋廣南之流也

沙人考

通志

沙人

習俗多同僮人操勦過之在廣西者屬於隴氏在富州者屬於李氏沈氏維摩水下地遠關諸彝互爭以強力相兼井又有青龍六詔者猗猗尤甚地產老杉生懸崖千丈間伐之多無全材堅適蜀產羅平州亦有沙人器用木婚喪以牛為禮

蒲人考

通志

蒲人

即古百濮周書與微盧彭俱稱西人春秋傳與巴楚鄧並為南土本在水昌西南微外訛濮為蒲有因以名其地者若蒲繹蒲甘之類是也男裹青紅布於頭繫青綠小繖繩多為貴賤者則無衣花套長衣膝下繫黑膝婦人挽髻腦後頭戴青綠珠以花布圍腰為裙上繫海貝十數圍繫沙羅布於肩上末昌風溪施甸及十五啞二十八寨皆其種勤耕種徒跣登山疾逾飛鳥今漸弱而貧其流入新興祿豐阿迷鎮南者形質純黑椎髻跣足套頭短衣手帶銅鐲耳環銅圈帶刀弩長牌飾以絲漆上插孔雀尾婦女簪用骨短裳綠綵婚令女擇配葬用沙羅布裹屍而焚之不知荷擔以篋負背上或傍水居不畏深淵能浮以渡在蒙自及開化十八寨皆號野蒲桀驁勝諸彝在景東者淳朴務農在順寧沿蘭

滄江居者號普蠻亦曰濮于蠻性尤悍惡專為

賊盜不鞍而騎徒跣短甲不蔽脛膝馳突迅疾善鎗弩男子以布二幅縫合掛身無襟袂領緣婦人織紅黑布搭於右肩結於左脅以蔽其臂另以布一幅蔽腰見人不知拜跪寢無衾榻拳屈而臥

古宗考

通志

古宗

西番之別種滇之西北與吐蕃接壤流入境內麗江鶴慶皆間有之男子辮髮百縷披垂前後經年不櫛沐櫛必以牲祭披長氍毹以犛牛尾或羊毛織之婦人以青白磁器與硨磲相雜懸於首其食生肉蔓菁糝稗

西番考

通志

西番

永寧北勝滇集凡在金沙江者皆是辮髮雜以瑪瑙銅珠為綴三年一櫛之衣雜布革腰束文花氍毹披毳氍毹富者至三四領暑熱不去住山腰以板覆屋俗尚勇力善射有緇字經以葉書之祀神逐鬼取而誦焉性暴悍隨畜遷徙又有野西番者倏去倏來尤不可制

戛昌考

通志

戛昌

一名阿昌性畏暑濕好居高山刀耕火種婦女以紅藤為腰飾祭以犬占用竹三十三根略如筮嗜酒負擔寬禽獸蟲豸皆生噉之採野葛為衣無部長雜處山谷聽土司役屬今永昌羅板羅明三寨皆其種舊俗父兄死則妻其母嫂後羅板寨百夫長早正死其妻方艾自矢不失節遂餓而死其俗乃革

縹人考

通志

縹人

婦女以白布裹頭短衫露其腹以紅藤纏之沙羅布為裙上短下長男女同耕

哈喇考

通志

哈喇

男女色深黑不知盥櫛男子花布套衣婦人紅黑藤纏腰數十圍產子竹兜盛之負于背又有古喇男女色黑尤其種類略同哈杜亦類哈喇居山言語不通略似人形耳

結些考

通志

結些

以象牙爲大環從耳尖穿至頰以紅花布一丈許裹頭而垂帶于後衣半身衫袒其右肩

遮些考

通志

遮些

縮髮爲髻男女皆貫耳佩環性喜華彩衣盤旋蔽體飲食精潔戰鬪長於弓矢恃象銃稍與緬同孟養一帶多其種類

羯些考

通志

羯些

種出遮西孟養流入騰越環眼烏喙耳帶大環無衣遮腹下以布一幅米肉不烹而食勇健執鎗刀敢戰喊聲如吠犬

地羊鬼考

通志

地羊鬼

短髮黃睛性好殺嗜利出沒不常與人相讎能行妖術用器物易其肝膽心腎爲木石遂不救又置蠱飲食中如元江所爲

野人考

通志

野人

居無屋廬夜宿於樹巔赤髮黃睛以樹皮毛布爲衣掩其臍下首帶骨圈插鷄毛纏紅藤執勾刀大刀採捕禽獸茹毛飲血食蛇鼠性至兇悍登高涉險如飛逢人即殺在茶山里麻之外去騰越千餘里無約束二長官爲所戕賊避之滇灘關內舊志稱尋甸岩谷野蠻以木皮蔽其身

形貌醜惡男女多持木弓以禦侵暴不事農畝採山中草木及動物而食無器皿以芭蕉葉簍之今尋甸實無此種考唐書所稱閣羅風降尋傳蠻其西有裸蠻亦曰野蠻散漫山中無君長婦或十或五共養一男子舊志或本于此然尋傳于驃國同降閣羅風驃國即緬也野蠻又在其西其非尋甸可知又粵西狼人居深山食無釜甑以竹節盛米縛而焚之竹爆而炊熟採蜈蚣蛇蟲雜食之謂爲嘉傀其食與前略同間有流入廣南者豈先時亦流入尋甸今屢用兵其地遂無噍類乎併記之

雲南諸蠻貢道考

通志

上路

由永昌過蒲縹經屋牀山箐險路狹馬不得立行過山至潞江江外有高黎貢山路亦頗險山巔彝人立柵爲砦在三代爲徵外地過騰衝衛西南行至南甸千崖隴川三宣撫司隴川有諸葛亮寄箭山隴川之外一望數千里絕無山谿隴川十日至猛密又十二日至緬甸又十日至

洞吾又十日至擺古莽氏居之即古喇宣慰司
擺古莽語也

下路

由景東歷者樂甸行一日至鎮沅府又行二日
始達車里宣慰司之界行二日至車里之普耳
山其山產茶又有一山聳秀名光山車里部長
居之蜀漢諸葛亮營壘在焉又行二日至一大
川原廣可千里其中養象其山亦為諸葛亮寄
箭處又有諸葛亮碑苔泐不辨字矣又行四日
始至車里宣慰司在九隆山之下臨大江一名
九隆江即黑水之末流也由車里西南行八日
至八百媳婦宣慰司又西南行一月至老撾宣
慰司又西行十五日至西洋海崖乃擺古莽
氏之地也

雲南土司部總論

圖書編

滇夷記略

滇載記逸史稱西南靡莫之屬以什數滇最大元封
中以兵臨滇王舉國降然未有稱也及張氏受姓後
世迭君長者蒙氏鄭氏趙氏楊氏段氏高氏凡七姓
惟蒙段最久故著稱焉夷商盜名號互起滅若蜂蟻
然不足錄也然至與中夏交援抗交疫我齊民世主
甘心焉以無用哉有用是可慨也漢司馬氏傳西南

夷誠有意哉余嬰罪投裔求蒙段之故于圖經而不
得也問其籍于舊家有白古通元峯年運志其書用
契文義兼衆教稍爲刪正令其可讀其可載者蓋盡
此矣滇燹于三代爲荒服漢僅割分其方雖胡元兵
力勝之而不能守也于今列簪落而郡縣之馴鱗介
而衣裳之華風沃澤同域共貫昭代恢宇前者孰並
傳稱神農地過日月之表幾近是哉

雲南夷

雲南本微外地國初元孽竊據戊申開基尚阻聲教
王偉秉義捐軀傳友德沐氏父子兄弟咸戡患散梅
思祖張鶴騰藩屏平徭均賦疆土稍開顯其人標
悍不得已因俗爲政官其酋領稍示安輯元江末寧
鎮沉孟良景東最強鎮南蒙化順寧霑益差小然
皆向背靡常調濟爲難諸甸約攝騰衝諸羅竊尋
靖蓋自麓川虛耗中土孟義曲徇奸夷正統迄今益
復及覆况投宦非人利法好貨湖南滇北將有梗隔
之憂至求馬湖建昌川陸達道計亦晚矣

漢武帝始通滇國置益州郡明帝時哀牢王柳貌率
其民五萬戶內附以其地置哀牢博南二縣唐元宗
開南詔爲蠻王夷語謂王曰詔先其六詔莫能相統
蒙舍詔最在南至皮羅閣浸強大乃求合爲一朝廷
許之徙居大和城及宋熙寧大理遣使貢方物封其
酋爲大理國王元憲宗平大理立爲三十七郡世祖
自西藩入大理平雲南遂分三十六路明洪武十七
年立爲麓川車里二宣慰使司此外又有孟養木邦
緬甸老撾八百大甸宣慰司其與麓川車里皆百夷
之種類也

按雲南地漢時已入中國謂爲西南夷唐末爲南詔
所據後爲蒙段二氏所有自爲一國宋竟不能有之
元世祖平大理以其地內屬明立爲藩府命黔國公
世守之今其雲南楚雄臨安大理等府設置如內地
而更以元江末昌之外麓川車里等處爲西南夷亦
猶漢時自成都而視滇池也大抵雲南之地其南以
元江爲關以車里爲蔽而達于八百其西以末昌爲
關以麓川爲蔽而達于木邦西南通緬甸底于南海
東南通寧遠而竟乎安南西北盡麗江而通乎土藩
所以制馭之者與南蠻北狄不同蓋彼去中國遠甚
其有叛亂不過梗化虧欠歲貢而已不足爲中國輕
重也爲今之計宜擇一要害地或景東或騰衝將
一員統軍于此守備嚴禁中國客商不許擅入其地
則彼不知中國虛實而不爲人煽惑引誘設爲互市
有所交易許其移文通譯賈載以來使彼知中國之
貨難得則不敢輕自棄絕矣

雲南在古荒服聲教弗漸自唐及宋則儼然僭竊
睨巴蜀元雖開省設官而疆圉瓜裂以羈縻畜之迨
乎明朝幅員混一焚爨羅甸咸籍版圖可謂盛矣第
其疆域阨塞華夷雜居時恬則蟻聚蜂屯有事則狼
跳虎噬蓋負險使然也雲南臨安大理永昌鶴慶楚
雄頗號沃壤元江臨安南通交趾金齒騰衝西擁諸
甸瀾滄聯絡永寧麗江曲靖迤邐而東彈壓烏蠻四
境領要指掌可窺矣諸夷之魁則元江武定景東麗
江姚安北勝鄧川霑益並兵力稱雄向背靡一蓋自
麓川伏法而滇境稍寧惟尋甸一帶兵衛漸疎諸羅
跋扈木邦孟密恃其險遠至今不聞悔禍咎在撫綏

關狀乖方莫可數矣至于滇南北上必假道貴州萬一衝決何以越之滇地有徑可達馬湖武定可達建昌川陸具存而榛塞莫啓刊山通道之策所宜亟講也

按百夷之種麓川緬甸數爲梗元江永昌之外設宜慰者七以統百夷以沐氏遙轄亦以諸省惟雲南諸夷雜聚之地其爲中華人惟各衛所戍夫耳百夷種曰梵人蠻人各有二種卽黑羅摩些亮老些門蒲人和泥蠻土蠻羅羅撒摩都摩察儂人沙人山人後人哀勞人峨昌蠻懈蠻魁羅蠻傳尋蠻色目瀾河尋丁蠻果些不可悉記

雲南夷土官

雲南布政司領宣慰司七宣撫司三長官司二十都司領安撫司三長官司三車里木邦孟養緬甸老撾東里八百大甸爲七宣慰南甸干崖隴川爲三宣撫十二關納樓茶甸教化三部王弄山虧客甸處溪甸思陀甸左能寨落恐甸安南祿谷寨刺次河革甸香羅瓦魯之因遠羅必甸馬龍他郎甸者樂甸紐兀芒市爲二十長官其都司領者安撫三路江鎮遠楊塘長官三茶山鳳垓施甸_{左隸兵部武選}雲南一百五十一武定麗江景東沅江順寧永寧鎮沅蒙化孟良孟定知府十人寶山南甸蘭州灣甸寧州富州北勝大候雲龍浪葉部鄧州安寧威遠霑益羅雄鎮康陸涼知州十七人臨西嶧戛雲南亦佐羅次元謀知縣六人廣南姚安府同知鶴慶府知事一人千崖宣府經歷一人巨津師宗浪葉通安北勝鎮南姚州順州同知八人北勝南安鎮南州判官三人

雲南楚雄亦佐易門定邊永平縣丞六人昆明雲南廣通昭定遠楚雄主簿六人威遠州吏目一人五井順豐鹽井副使二人連爲古刺騰衝樣觀音山莎橋德勝關泔西在城打牛坪管寧易龍驛丞十二人金齒水眼鄧州州軍蕃順寧甸禾摩村東山口浪滄江師井打牛坪盪井金沙江十二關備溪江青索翼納更山蒲陀崇鎮南箭捍場關索領鐵爐青水江黑鹽井西金沙江赤水屬定西嶺龍街關蔓神寨徐白水關南平關黑鹽井阿雄村戛賴元江禾摩村安南坡祿膜煉象關楚雄縣松詔鋪觀音山鳳羽鄉東金沙江回澄關湯池英武關巡檢二十五人改流二十五知府鶴慶尋甸廣西知州四人馬龍彌勒維摩阿維知州二人路南蒙自府同知一人楚雄府照磨一人麗江典史一人浪穹鹽井副使一人彌勒沙驛丞五人永平路江孟哈羅十思莊雲南巡檢十二人宣化關甸頭樣備神摩洞下江南安州普昌石門關彌沙井雲龍甸煉象關楚場_{右隸吏部驗封}

欽定古今圖書集成方輿彙編職方典

第一千五百二十卷目錄

雲南土司部藝文一

西南彝論

宋范曄

兵部奏姚州破賊設蒙驗寺露布

唐駱賓王

請築羅城崇南詔表

高駢

又築羅城成表

前人

南詔德化碑

鄭回

高駢破南詔論

朱范祖禹

諫征西南夷疏

前人

贈行人李思聰使緬甸敘

明劉三吾

報緬酋阿瓦攻車里疏

閔洪學

陳言征麓川狀略

詹英

中丞楚鄧周公平隴川頌

馮時可

蒼洱圖說

楊士雲

還定六慰後說

陳用賓

百濮考

董難

雲南土司部藝文二

送袁滋持節冊南詔

唐權德輿

南詔赤藤枝

裴彝直

入緬取賊發金沙江

明郭登

職方典第一千五百二十卷

雲南土司部藝文一

西南彝論

宋范曄

漢氏征伐有事邊遠蓋亦與王業而終始矣至於傾沒疆陲喪師敗將者不出特歲卒能開四彝之境款殊俗之附若乃文約之所沾漸風聲之所周流幾將日所出入處也著自山經水志者亦略及焉雖服叛難常咸澤時曠及其化行則銀耳雕脚之倫獸居鳥語之類莫不舉種盡落回面而請吏陵海越障累譯以內屬焉故其錄名中郎較尉之署編數都護部守之曹動以數百萬計若乃藏山隱海之靈物沈沙棲陸之瑋寶莫不呈表怪麗雕被官幄焉又其寶祿火毳馴禽封獸之賦軀積於內府彝歌巴舞殊音異節之技列倡於外門豈柔遠之道必足於斯然亦云致遠者矣蠻彝雖阻附岩谷而類有土居連涉荆交之區布護巴庸之外不可量極然其凶勇校斧薄於羌狄故凌暴之害不能深也西南之徵尤為劣焉故關守未昌聲自遠離啓土立人至今成都焉替曰百蠻疊居切彼方徵鑣體丹衣憑深阻峭亦有別彝屯彼蜀表參差聚落紆餘岐道往化既孚改襟輪寶俾建永昌同編億兆

兵部奏姚州破賊設蒙驗寺露布

唐駱賓王

臣聞七緯經天星墟分張翼之野八紘紀地炎洲限建木之鄉西距大秦棟金行而布氣南通交趾枕銅柱以爲鄰俗帶白狼人習食殘之性河淪赤虺川多風雨之妖水積炎氛山涵毒霧竹浮三節肇興外域

之源木化九隆頗作中原之患年將千祀代歷百王鄭純之化不追孟獲之風愈扇故三年疲衆徒聞定作之議五月出師未息渡瀘之役然則大人極物上聖乘期法乾坤以握機體剛柔而建極知仁義不能禁暴設刑網以勝殘知揖讓不可濟時用干戈而靖亂伏惟皇帝陛下祥螭戴玉拓地軸以登皇道契寢繩掩天紘而踐帝元雲入戶纂靈瑞於丹陵蒼錄昇壇薦禱圖於翠渚垂衣裘以朝萬國崇玉帛而禮百神昭儉防奢露臺惜中人之產宜風布政明堂法上帝之宮致羣生於太和登品物於仁壽四神踐雪五老飛星君固祥麟樂班文於先樂女牀鳴鳳味歸昌於帝梧四隩同文五風異色豐林萬里纓疏苑囿之基層城九重未沒池陞之域六合照臨之地候月歸琛大罍覆載之間占風納賁茲茲蠻貊敢亂天常橫赤燦以疏疆背朱提而設險山林萬仞巖邑千重望秦阜以相傾峭陵失四塞之阻對梁山而錯峙劍門成一簣之峯自謂絕壤幽荒中外足以迷聲教愚深負固江河可以迎靈誅殊不知玉弩垂芒涵水無九嬰之珍瑤塔舞戚洞庭有三苗之墟臣等謬以散材忝專分圖白招乘侯順秋帝以揚旌絳節臨邊遽夜郎以礪劍雲開嶠穴旆轉邛山峻坂九折之危盡忘襟帶滇池滿江之固曾失藩籬惟逆賊設蒙驗寺未革狼心仍懷豕突陸梁放命旅拒偷安地接祠鵝竟無心於改旦山多神鹿終未見於擇音臣以大帝宣威有征無戰明王仗順先德後刑弘聖澤於中孚緩天誅於大造庶南薰感愷仰雲闕以翔魂東律和音扣轅門而頌頌祝禽疎網徒開三面之恩毒地梃妖

逾肆九頭之暴鳩集餘衆蟻結兒徒僭耳椎髻之徒
千里暮合擊齒離題之孽一呼雲屯疊石苗以開營
拒嚴板而峻壘崇崇切漢若登藏寶之山絕壑憑霄
似瞰封泥之谷去前月十七日連營布陣據險揚兵
東西三十餘里馬步二十餘萬聚蚊蚋而合響聲若
雷霆縱蛇豕以爲羣氣衝宇宙臣遣中郎將令狐智
通等擁拔山超海之師當其步陣遣銀州刺史李大
志等驅躍景騰雲之騎乘其馬軍遣周州都督府長
史行軍司馬梁待辟等領勁卒三千絕其飛走之路
遣臨源府果毅馬仁壽等勒精兵九百斷其潛伏之
軍臣率行軍長史韓餘慶等負霜戈而直指掃雲陣
以長驅庶令斬敵七擒將士扶雷公之怒伏屍百里
土酋識天子之尊於是三略訓兵五申誓衆先登陷
敵無遺大樹之功後拒亂行必致曲梁之罰楚人三
戶蜀郡五丁氣擁元雲精貫白日喧鳴則乾坤搖蕩
呼吸則海岳沸騰列旗影以雲舒似長虹之東指橫
劍鋒而電轉疑大火之西流刃接兵交洞霄達臆自
辰踰午魚爛土崩沸殘息於層峯更切守陣之哭積
員顯於重阜殆成京觀之封唯賊帥未悟傾巢之兆
敢懷拒敵之心猶率馬軍平川轉輾驚塵亂起六合
爲之凝光殺氣相稽四溟爲之變色副總管某某者
忠惟徇國義則忘軀臨危而貞節逾明制敵而機謀
獨遠丹誠自守雖九死其如歸白刃交前豈三軍之
可奪投袂則妖徒募廓舉旗而逆黨冰摧於是乘利
追奔因機深入因獸猶圖如戰康君之魂驚鳥尚飛
似驚杜宇之魂斬甲卒七千餘級獲裝馬五千餘疋
僵屍蔽野臨赤坂而非遙流血灑途視丹微而不遠

首領和舍等並計窮力屈面縛軍門寬其萬死之誅
弘以再生之路惟蒙驗脫身挺險負命窮山顛巢穴
而靡依逃暑漏其何幾况妖徒革面徹外非復他人
部落離心舟中皆爲敵國瞻言景首指日爲期凡所
歸降隨事招撫與之更始復其故業首丘懷戀疑臨
舊國之墟安堵如歸似入新豐之市然後班師還水
振旅馬山建鴻業於武功暢元猷於文教庶荒陬襲
中邦之禮邊疆息外寇之虞華人祝堯兆皇基於千
歲蠻歌頌漢美王澤於三章宜與夫天帝前星廣賜
泰公之冊坤元益地遙開王母之圖蓋示有云會何
足紀斯並元謀廣達妙略遐覃一戰而荒景肅清再
鼓而邊隅底定豈臣等提戈環甲克全百勝之功仗
節揚麾能通九變之策謁藥術而獻捷大帝成規聞
杖杜以勞還小臣何力不勝慶快之至謹遣行軍司
馬朝散大夫守周州都督府長史上柱國梁待辟奉
露布以聞軍資器械別簿錄上

請築羅城聖南詔表 高駢

臣聞仗鉞擁旄顯受專征之寄殿邦守土必尊共理
之規冀勵節以輸忠須典典而除害伏以臣當道山
河雖峻城壘未寧秦張儀收蜀之時已曾版築隋楊
秀守藩之日亦更增修堅牢雖壯於一隅周匝不過
於八里自咸通十年以後兩遭蠻寇攻圍數萬戶人
填咽共處池泉皆竭熱氣相蒸其苦可哀斯弊可恤
臣前年赴任之日纔過劍門料蠻賊奔逃不敢回顧
先遣走馬入府放出城內戶人莫不喧呼稱見蘇息
臣今欲與民防患爲國遠圖廣築羅城以示雄圖將
謀永遠豈憚暫勞臣深受國恩實思忠盡儼允所奏

乞宣付宰臣僉議

又築羅城成表 前人

西川境邑南詔比鄰頻遭蠻蜒之侵凌益以牆垣之
湫隘兼是戎兵同行剽劫賊路不能控扼軍營罕習
干戈遂使蒸黎枉遭塗炭臣初到統押便與經營更
議遠圖以防後患嚴設武備廣築羅城遂乃相度地
形揣摩物力不思費耗只繫安危起十縣之人丁抽
八州之將較分其地界受以城基運土糞而子來持
石杵而雲集金湯既設鐵甕如堅控地道之莫能從
云入寇縱雲梯之強立無計登陴白露屋凌空躋攀
莫及青城山對峙形勢不如覆瓦煙青覺碑苔碧縱
蠻再至無計重圍皆仗陛下之睿謀使微臣之創制

南詔德化碑 鄭回

恭聞清濁初分運陰陽而生萬物川嶽既列樹元首
而定八方道治則中外寧政乖必風雅變我贊普鍾
蒙國大詔性業合道智觀未萌隨世運機觀宜撫衆
退不負德進不惹客者也王姓蒙子開羅風大唐特
進雲南王越國公開府儀同三司之長子也應靈傑
秀含章挺生日負標奇龍文表貴始乎王在儲府道
隆三善位即重離不讀非聖之書書學字人之術繼
軍屢聞成績監國每著家聲唐朝授右領軍衛大將
軍兼陽瓜州刺史泊先詔與御史嚴正誨謀靜邊寇
先王統軍打石橋城差詔與嚴正誨攻石和子父子
分師兩殲兇醜加左領軍衛大將軍無何又與中使
王承訓同破劍川忠績載揚賞延于嗣遷左金吾衛
大將軍而官以材遷功由幹立朝廷照鑒委任兵權
尋拜特進都知兵馬大將二河既宅五詔已平南國